

W-4

356

中西聞見錄

第二十六號

每月  
一次

1874



西曆耶穌降生二千八百七十四年 十月

# 中西聞見錄

中曆同治十三年 九月

中西聞見錄係仿照西國新聞紙而作書中大旨係講論天文地理格物之學並載一切新機新法及略選各國近事每月出印一次如中西士人有所見聞或自杼議論亦可寫就送至米市施醫院諸先生處選擇可登則登之庶集思廣益見聞日增焉



中西聞見錄目錄 第二十六號

懸橋論畧 並圖

臺灣公案辦畧

脈論

英國農政

雜記三則 雜咏五首

寓言

各國近事

美國近事 金山新報

丹國近事 君游冰洋

中西聞見錄

目錄

一

九月

法國近事二則

印度近事 濟荒巨款 印度徵稅

南亞美利加近事 擬立賽會

西班牙近事 各國認之

比國近事

瑞士近事

粵東近事 颶風大災

天津近事



中西聞見錄 第二十六號

懸橋論畧 並圖

懸橋古來各國皆有之、或用繩索、或用鐵練、凡遇水深岸高、與夫急流衝突、難於立柱之地、多用此橋以濟行旅、然此等懸橋兩邊高中漫凹、勢如橋洞之倒仰、渡斯橋者、必先下而後上、蓋以鐵練中彎、板補其上、不能使之平直、故此橋不免動搖、止可人行、車馬行走不穩、至於使懸橋如衡平、人馬車輛均可行走、更無動搖之患、此則泰西近數十年來之新法、其法於兩岸四五十步外、各栽鐵椿二、深入地、有鉤如纜舟之鐵錨、然上以巨石鎮壓之、再於兩岸近處、各安石柱二、用半寸厚之鐵條數根、

中西聞見錄

懸橋論畧

一

九月

束成捆、或以鐵絲纏之、繫於椿上、從石柱平過而達於彼岸、形亦中彎、其下以鐵梁直過對岸、恰於鐵索中彎處、牢繫之、則其勢繃平、更以板橫搭於梁上、復鋪鐵軌砥平、兩旁設欄、不惟人馬可行、卽重載車輛、均可往來、或謂此橋雖可運重、究難免其動搖、殊不知瑞國卽有懸橋、當落成時、以車載五十尊鐵砲、試行、其橋不過微沈尺餘、更以二千兵馬行過、亦復如是、絕不顛動、波搖、自創得此法、西國咸以爲便、且費較石橋省、以故凡有修橋處、所率用懸橋、而鮮造石橋矣、若江河岸寬、往往下安石柱、橋可接連數段、每段四五十丈不等、至於無柱懸橋、隨在有之、而天下最大者在美國、一長洋尺一千零十、一長一千零四十、任火輪載重往來、絕不搖動也、





橋懸國英



臺灣公案辨畧

阜白居易

日本興兵伐臺灣生番，旋又佔據其地，每引公法條例以飾其非，竊思萬國通例，所以稱公法者，爲其一秉大公，而一國不得私之，創公法之人，所以稱公師者，爲其持平論斷，無倚無偏，今誠如日本所引者，則公法不復爲公法，公師不得爲公師，將何以通行於天下乎？用是一辨述之，其引發得耳氏，發得耳係瑞士國人，非法也。國人曰：一國新佔曠地，非實力佔有，及就其地建設館司，而獲實益，公法不認其主權一節，然發氏上文曰：航海之人，秉君國信憑，尋覓海島，或空地，往往爲己國佔爲屬地，而後該國若有遷彼而居者，各國概認其主權，今中國旣於臺灣設郡縣，華民

中西聞見錄

臺灣公案辨畧

二

九月

數十萬遷居生聚者二百餘年，豈非實力佔有，雖於東岸未建設館司，然亦與各國常例於海島佔據一邊，全島亦歸該國之例相符，况發氏所謂各國認其主權者，中國亦有之，蓋臺灣歸中國，其主權二百年來，爲各國所認，而莫之爭焉，卽西國地圖而論，莫不以臺灣歸中國，卽其事實而論，亦莫不以主權歸中國，前此美國人於臺灣遭患被害，美國先訴之於中國，而後遣兵伐生番，然兵船並未留連，仍由中國辦理，日本未發兵之先，亦曾以情訴之中國，非中國實有主權，兩國何以先後申訴，而明認之乎？查美國李領事讓禮赴臺觀看，有會劉兩總兵護送，所坐兵船係中國長勝火輪兵船，其爲中國自辦可知。其引麻氏言曰：一國徒宣告佔有之意，不足以爲佔有，雖尋



覓一島固屬創獲，非有實力掌管之跡，不足以爲佔有，理固確鑿。其如與臺灣一案，渺不相涉何？蓋中國從無徒宣告佔有之意，而信有佔有之實，試觀臺灣設立府廳縣汛，豈非實力掌管之確據乎？若謂郡縣設於偏旁，化澤不及東島，生番卽不足爲掌管，不思英之於奧大利亞，西班牙之於呂宋，荷蘭之於蘇門答臘，各島皆然，均有不服化之土人，設他國藉端取其尺寸之地，其國必鳴鼓而攻，不能坐聽攘割也明矣。卽日本亦復如是，其四大島最北者名耶瑣，有蝦夷居之，日本惟居南沿海口數處而已。若華人與蝦夷尋隙，而以兵佔其地，試問日本能甘心乎？且所引麻氏一國專管之權，行於接近地土，及島嶼，不容他

中西聞見錄

臺灣公案辨畧

三

九月

國攬越之言，有足証其非者。蓋臺灣全島與中國接近，生番復與中國所設郡縣毘連，自屬中國管轄，豈容他國攬越哉？

其引葉氏

亦作海氏

曰：凡有掌管地土之意嚮者，必要繼以實力佔

有，又証以永遠制治之措置，此於中國所行無不相符。蓋建城設官二百餘年，若不足証其永遠制治之意，則更無可証矣。然其所引，惟此一條，而不引葉氏第十一條所云：各國掌地之主權，根據有五，與地主議明而得者一也，遇無人掌管之地而自佔踞之一也，其地歷來爲己有而無人在其先者一也，其地係久屬而各國往來以實事認其主權者一也，以兵力征服而得之一也，此五者中國明有其二。蓋大清於中華定鼎之初，正值



鄭氏以臺灣歸誠之始，茲後各國莫不認之爲屬華，雖日本亦曾認之，則今日之視番地爲不屬華，亦屬矛盾。

至所引貌氏兼并蠻夷之地者，必當教化其民，創造其政，方得主權。今臺灣有熟番，已服教化，若以生番梗化不服，便謂中國無主權，卽可以美國無管轄紅苗之權，以英荷西等國無管轄南海島夷之權，而日本亦無管轄北海島夷之權矣。有是理乎？其所引公師多家，而獨不引吳耳息及惠敦二氏之言。二氏皆美國人惠氏之書行世已久，各國莫不奉爲定論。吳氏雖新出，亦學博而望重者。吳氏曰：卷一第西國尋覓新地，創獲而得主權者，他國或認其權，而土民不認之，然視蠻夷之權利不足論，而佔據其地爲常例。今中國於臺灣得有主權，他國亦認其主權，卽偶有土番未服，亦不足論，豈可以生番未服華之故，而謂其地不屬華也。

中西聞見錄

臺灣公案辨畧

四

九月

惠氏曰：卷三第

四章

主權歷時既久，可謂堅固，此乃常例。以此例理

國事，公與不公，公師多有議論，然無論如何名其例，諸國常有循之者，皆以此國掌某地某物既久，亦可以爲己有，而他國不與焉。按性法，人民得物而掌之日久，亦可以爲己有，而他人不與焉。按此則中國掌臺灣之地既久，自應以爲己有，而他人不與焉。若謂中國所掌之地在西，其管轄之權不應及東境，不知惠敦又曰：於一千八百二十一年間，俄國皇帝宣告天下，嗣後視亞美利加西北之境，自五十一度以北，及其隣近島嶼，自四



十五度以北，盡爲己有，蓋謂俄國尋覓其地，首先佔據而守之已久云。後雖遇他國不服其所論，而爭其地者，然歷時既久，各國皆認其主權，故於八年前，俄國竟以其地賣於美國，查該地及隣近島嶼，有土民多種，皆未服化，而俄人居其地，僅有數百以駐防，非有建城設郡，而其主權仍及數千里之遙，據此則中國雖止建城郭於臺灣西岸，其主權自應徧及東岸，而全島之屬中國，更無他議也。



前此已將運血之理、登之間見錄中、如閱過前論者、而此論脈之理、亦不難明矣、曾讀中國脈書、云脈乃氣血之先、榮行脈中、衛行脈外、榮血屬陰、衛氣屬陽、按西醫之學、殊未敢遵為定理、試問脈外之氣、何所而生、竊以呼吸之氣、咸由肺經出入、至於飲食路中之氣、或因呼吸而入、或原食物變化蒸騰而生、其氣或由呃逆而出、或由下行而降、至論元氣之說、曾云結於受生之初、然而胞胎之中、不能容氣、假令其中能以納氣、亦必能以受精、並可連絡結胎、陸續產子、又何以異於鷄之生卵也、殊不知胞衣之中、縱然無氣、而其胎日漸生長、其長養之理、惟賴母血以資之、西醫有聞症、筒以驗胎兒

中西聞見錄

脈論

六

九月

心之跳動、與其母心之跳動、之數不同、故知非假其母呼吸之氣、而然者也、西國溺殺子女之律、如敢故殺其子女、捏報草滅者、罪之、西醫必剖驗胎兒之肺、置於水中、如沉而不浮、則知其胎兒實屬草滅、而無疑、但一經呼吸、則其肺必浮、如果內有元氣、其肺亦浮於水、此其確據也、是以辯論脈言氣之理、不足憑也、設若有氣、不知生氣之原、立論雖高、君子不取、至其鼓動之機、遲速之數、與其各等脈之氣象、到底從何處而發其端、再所言衛行脈外、有類河堤、譬如川流不息、乃水行就下之勢也、與兩岸無關焉、而皮外顯露之青筋、此即迴血管也、按之緣何不動、又烏知夫草木萌芽、當春而發華、遇冬而凋謝、是乃津液往復之理、然而春夏秋冬、四季未嘗無氣、又何故春生而秋殺也、其所論衛行脈外之理、衛主氣人之一身脈絡糾纏、據云脈外咸有衛氣以副之、既云有氣、何以落水之人



有淹斃者

如實有其氣入水不沉嘗見淹死之屍數日必浮其故何也蓋緣臟腑壞爛則生氣是以知氣生則浮也

或問若非有氣行乎其間脈何以動曰因心有喻張之力激其

血而然也

心爲運血之橐籥非生血之器耳其生血之理乃緣食物變化津液之精英而生也

○嘗讀中

醫脈書云五臟六腑十二經脈以五臟六腑計之其數十一不

符十二之數中醫多強名牽合有指爲包絡臆中者有言應命

門三焦者聚訟紛然指無一定無非牽合臆斷以足十二經之

數

設使果有十二經與診脈之一道吾無取焉殊不知脈由心發流貫百體乃一本萬殊也

致令後之學者

無所折衷遂致醫學之一道廢置不講嗟呼軒岐之澤湮沒而

不彰良可憾焉貞鄙處遐荒遠涉重洋來中施醫誠固陋寡聞

素未讀軒岐之書未敢上非中聖據理而斷之脈候多端亦容

中西聞見錄

脈論

七

九月

有未必然也○有宋朱子爲中國之大賢亦嘗非之云古人察脈非一道今世之人惟守寸關尺之法所謂闕者多不明獨俗傳脈訣詞最鄙淺非叔和本書乃能直指高骨爲關然世之高醫以其書賈遂委棄而羞言之也○再所言脈分兩手寸關尺僅止六部若以診五臟之病則多一部若候十二經之脈則少六部以理推之咸多附會之談耳貽悞後世逮至道光己酉年間復有直隸玉田縣人王清任著醫林改錯一書以辯其悞然其書雖非盡善其中亦有真見不無可取夫脈者有類乎江河也發源於心運行不已旁礴迴流猶百川之滙海疾者同疾緩者俱緩豈有流行之脈分段落而更變其緩急者也似此欺人



之語誰則信之。○蓋嘗聞之云心生血，肝藏血，脾統血，若心果能生血

按食物養身之理，恰當夫血為飲食之精英所化，由口以

至肛門雖有曲折而無歧徑，食物穿腸而行，又安得以養其身

哉。○所云肝藏血者，殊不知血無藏法，如血藏則為閉，為凝則

有凍脫手足與耳鼻者，緣血為病矣，如塞外冬月嚴寒，行路之人往往

凝結不能運行之所致也。○又云脾統血者，按脾臟專司生

臟不動焉得。○有云氣管而行脈者，昔西醫亦云有氣管者，因

而統領其血。○空虛而不知管中有韌膜一層，自俱有翕張之力，推行其中之

血噴溢而出，所以見管中無血，竟以為是行氣之管，即今考之

則不然耳。○又云十二經之脈通兩手寸關尺，以候五臟六腑之病

醫者輒名之曰此心脈，此肺脈，此肝脈，此脾脈，此腎脈者，非也。

十二經譬如十二省，四肢猶四極也，安能以四極之遠而能周

知乎十二省之治亂虛實者哉，此必無之事也，而五代時高陽

知平十二省之治亂虛實者哉，此必無之事也，而五代時高陽

知乎十二省之治亂虛實者哉，此必無之事也，而五代時高陽

中西聞見錄

脈論

八

九月

生剽竊作歌假叔和之名，語多牴牾，辭最鄙俚，又被俗學妄加

註釋，世醫家傳戶誦，茫然無所下手，不過藉此求食而已，求脈

之明，為脈之晦，於診視何益哉。○試問脈居兩手分寸之地，何

以能診候五臟六腑，十二經之症。○試問兩手寸關尺，勿論或

血，或氣，原本一管，何以能內以候臟，外以候腑。○試問浮芤滑

實，弦緊洪，何以定為七表脈，言凡見此七脈者，皆屬外症，云芤

類慈蔥，乃脈象空虛之候，又云滑為脫精，空虛脫精之候，均非

表症。○試問診脈一道，獨取掌後高骨，名之曰關，以定尺寸兩

部，而為診候之標準，曾見有脫腕斷臂之人，若有疾病，又當取

何處以診候之。○試問內經云，榮行脈中，衛行脈外，榮果何物，



行於脈管之中、非指血而何、彼則云脈乃氣之先見。○或問三診九候、出自靈素、取諸一身、非易事也。今世之醫、獨取寸關尺、按三部、浮中沉、以定三診九候、背道離經、驅捷經以欺世。○試問望聞問切、出自內經、云能合色脈、可以萬全、脈居四診之末、雖軒岐之膚哲、亦不敢專恃、以定病之死生、况今世之醫、目不睹軒岐之典、而獨憑寸關尺、以決人之死生者乎。○試問今世之醫診婦人之脈、常以妊娠爲經閉、每用行經破血之藥、往往攻墮其胎、甚至子母兩傷。○試問脾絕之脈、如雀之啄、如屋之漏、如水之流、如盃之覆、蓋雀啄屋漏、尙可以類推尋、如云水流盃覆、則大相懸殊也、水流是行之象也、盃覆乃止之象耳、後之

學者、更何所取法。○試問內經有奇經八脈、奇經者、不列於恆經之內、絕非取之於兩手寸關尺也、而李瀕湖之脈學、竟敢云取之於兩手寸關尺、乃言直上直下、浮則爲督、牢則爲衝、緊則爲任、寸左右彈爲陽蹻、尺左右彈爲陰蹻、關左右彈爲帶脈、尺外斜上至寸是陰維、尺內斜上至寸是陽維、然奇經既不列於常經之內、而以寸關尺之部候之、其謬妄可知。○醫學入門云、○輕指於皮膚之間、探其腑脈也。○微重指於肌肉之間、取其胃氣也。○沉指於筋骨之上、取其臟脈也。吾以爲均此一脈管也、何以能浮探腑而沉候臟也、浮者俱浮、沉者俱沉、其於臟腑、又何間焉。脈學繪兩手寸關尺六部圖、云內以候臟、外以候腑、與此說兩相齟齬、使後之



學者當何所依據其所云微重指於肌肉之間取其胃氣也吾不知胃氣緣何獨行於肌肉之間前已辯論其三診九候之差已悖於內經之旨而此說隱約於浮中沉三診之謬妄取之於兩手寸關尺之間其不足據也又可知矣○醫學綱目又云診脈下指之法先以中指揣按得關脈乃齊下前後二指若人臂長則疎下其指臂短則密下其指試思兩手脈管各俱一條非若簫管有窟孔短長可捫而下指之疎密有何關涉也此更屬無憑

○醫學入門云人一呼脈行三寸一吸脈行三寸呼吸定息脈行六寸一晝夜凡一萬三千五百息脈行五十度周於一身復會於手太陰肺經試問脈行陽分二十五度之時則寸口必然

無脈可診是必右半身偏枯須待行至陰分二十五度數滿五十度會於手太陰經方可診候於理未免有睽其不知脈之動也無關於呼吸至於脈行之寸數尤爲荒誕無稽○入門又云六脈陰陽錯綜隱寓生尅子母夫婦剛柔之義按寸關尺原本一脈貫通強分之爲三部復加之以五行其中之生生尅尅終不於免穿鑿附會影響之談耳其於盛盛虛虛之道並四診之法全相違於治療之旨有何裨益○古今醫鑒又云寸關尺合一寸九分寸脈六分關脈六分其上三分入於寸內寸得九分是爲陽數尺脈七分關下三分入於尺內尺得一寸是爲陰數吾以爲果若其言是無關脈也既無關脈而胆與脾皆無從診



候矣、徒具此陰陽之數、其於脈之流行、似無與焉、竊以中國前輩名流、一切著作、恒多惑於陰陽五行之說、其中不無牽強、而矛盾者尤甚、其不足取信於天下後世者、蓋由於此也。○其所論之七表八裡九道之說、更屬無憑、症有多端、脈無一定、而又何拘於七八九、二十四種脈象形名者哉、以上所辯、華醫論脈之差、然其差不在今世之醫耳、平心而論之、中國醫士致費苦心、其端始於東晉太醫令王叔和之悞之也、後進之士、雖有卓識超見、不敢輕議前輩之非、昔我泰西亦復如是、恒囿於前輩、範我馳驅、縱有立異者、莫不羣起而攻之、咸以爲輕易古法、離經背道、得罪於先賢、其杜撰之罪、爲尤大也、我國自哈斐氏出

中西聞見錄

脈論

十一

九月

精究考證、始發明人身運血之理、的確無訛、其書之著也、尙廢置數十年之後、始有醫士稽核攷驗、人物運行血脈之理、眞實無謬、然後踵之者、莫弗爭先而恐後焉、某也遠自異域、觀光茲土、歷十餘稔、購讀華國論脈諸書、名家著述、互有異同、而張劉朱李四先生、爲四大名家、卒未敢指摘其非、起而正之者、良可憾矣、吾之爲是說也、非敢妄議時醫之差、蓋緣一片愚衷、愛人無已之誠、敢獻芹於同道諸公、願作先容、疎通脈理、知我罪我一聽、時賢鑒定可也、倘有醫師、欲駁正余之謬妄、不妨見教、祈錄法言、送至英國施醫院、以備登入聞見錄中、是所厚望焉。○謹按余之所辯者、非徒辯也、另有規矩準繩、候脈之新法、臚陳於右、以便取裁、



英國農政

艾約瑟

英國居地球緯道五十餘度，較中國偏北十餘度，故日出遲半時許，四時溫和，冬無嚴寒，夏無炎熱，地濱大西洋，常多西風，雖三冬亦雨，法人意大利人至英地者，每謂四季雨水過多，恐妨農務，是以英地稻、粟、黍、稷、高糧之類，皆不克種，人咸以麥、麵爲饔飧，近有客詢於余，貴國究何所產，余故畧述其梗概以答之，蓋各國地土不同，然歲歲只種一種，則子實必年歉一年，卽厚加糞培，亦萬難望豐收之效，必變通種類，更易栽植，此固人之向所知也，然所以歉收之故，則恐未週知也，西國多士，悉心窮求其理，現已格致十之四五，原此種收穫，仍種此種，地土必然

中西聞見錄

英國農政

十三

九月

無力，考其無力之時，係在前所種之物結實以後，非在結實之先，嘗有人在苗秀之際，考之其苗，或爲牲齧，或爲鎌刈，再種是苗，仍可歲歲如常暢茂，如澤邊青草，結子未成之時，每歲二次，以西國大鎌芟之，西鎌大於中國鎌，刀數倍，兩手持用，若握鋤然。留根再生，愈刈愈長，若待子成之後始刈，則所餘草根必漸死，草中之嘉者先漸無形，年復一年，早發之草皆歸烏有矣，斯因收刈太遲，子已晒熟，地土精英已充子實之中，地土無力之故也，然地雖有此無力之病，然能汲水灌潤，則可復初，草地仍得無恙，青青河畔，任收牛羊，亦仍如舊，此水之力使土之力足也，惟於草未成子之先刈之，則地力更不能有歉矣，或曰：人言地土力歉，蓋因養苗之



物盡故耳、使多加糞肥以澆還、雖前種結實後再種是種、亦必仍得豐穗而永獲有秋矣、余應之曰、不然、英國現所常種之小麥、三葉草、及他種、若連種數年、後漸萎弱、卽厚糞多壅、亦殊無補於稼、且必有佈種之次序、如今歲種小麥、明歲種三葉草、又明歲仍種小麥、一歲種有子之糧、一歲種無實之草、源源相接、始可冀倉箱之慶、假連種而不更、斯必致地力歉而稽事寡矣、於以知二種在地、不能同獲一效也、其種之次序請詳述之、如一種根可食、枝多葉潤之物、如紅薯及山藥等類種於先、則必以根上鬚多、莖上葉少者種於後、假如以菽爲先、則當以小麥油麥爲後、以紅白蘿蔔及亞美利加薯爲先、此薯生於亞美利加後傳種於中國卽山藥豆則宜

以大麥油麥爲後、先後酌施、因地下種、更易變通、不違農時、則地之力綽如、而民之食不可勝用矣、豈徒藉糞肥之功用哉、大抵各國農政、各有更種之法、其所論先後之分、如莖多枝根如亞美利加薯者爲先、則必應以莖枝稀而實多粉者爲後、然亦應視地土之性而施之也、英人則視土性浮鬆者小麥三葉草互更之、土可多年不變、若種小麥於菽後、則土必變、因菽已結實成豆故也、倘土性堅實之地、雖小麥種於豆後、亦可收穫無歉、或以亞美利加薯與小麥互更亦可、因此薯不結實於地上耳、惟成薯於土中消盡土力、則又其一病也、是以欲考何種與何種相宜、可互種者、須先論地土之性與某種相宜、次查農事



應需之急物、兼視所飼牲畜之糞足以敷用否、蓋土性浮鬆之地、土力必不膏腴、何能產小麥與菽使之穰穰耶、惟糞肥多潤、可助土之力焉、欲計農政之利、油麥亞美利加薯二者爲最、力節人逸、糞省費廉、而得實較多、與小麥及菽異、然不克常種、以其奪土之力太甚也、是宜視土性而計之、土性尋常之地、於四五年內可種一次、沃壤之地三二年一次亦可、若三葉等類草、則六七年始可一種、否則徒於土性有損、而於農事無裨、若細麻及亞美利加薯更必多間數年下種、尤妙、老農審地利、順天時、盡人力、經耒耜之辛勤、冀耕耘之無礙、詳察窮辨、煞費苦心、蓋因土性不一、須斟酌裁度、更種次序耳、

英國農政

中西聞見錄

齒

九月

雜記 二則

合天下城鎮之人民戶口而論、最繁庶者、莫如英京、共有三百二十五萬人口、次則法京巴里爲百八十萬、次則中華北京爲百六十萬、次則日本東京爲百五十萬、再次則土國公丹廷有百萬、美國紐約、德國伯林、亦有百萬、其餘城鎮、不滿百萬者、蓋不計其數云、

巴黎倫敦二處、皆最爲衝要之區、各新聞紙局、悉遣人往彼、互相探聽新聞、海中有火輪船數十隻、水底有電線數條、往來傳信、近聞倫敦有一大新聞紙局、包僱電線一條、計每日有三時、寄報新聞、生理可謂極盛矣、



雜記三則

金銀得失有定

王次辛

戶部某司員鎮江人，被御史某公叅劾，在刑部被審得自後，家有祝融之災，戶部某公之夫人，先將黃金百兩，白金五十兩，裝裏一包，卽出門顧車一輛，往其夙所識之銀店，擬暫寄存，維時黃昏，左旋右邁，方至門首，扣則主人啟扉，見其蓬頭蹠蹻，舉止驚慌，遂迎入問其何以倉猝乃爾，某夫人喘息初定，細述廚房火起之由，以致昏夜叩人門戶，心實不安，有頃，忽憶門外車中猶載金銀包裹，未曾携下，趕緊出喚車夫，而已杳無踪跡矣，某夫人悵然良久，曰：「天乎！非予之財也。」按貸悖而入者，亦悖而出，人雖巧於轉移，豈知造物之弄人更巧乎。

中西聞見錄

雜記

五

九月

賤役矇捐敗露

本年六月二十六日，御史鄧承修奏會經充當門丁之候，選知州黃天錫請旨斥革。七月十九日，閩督李鶴年奏會經充當家丁之試用同知何慶生請旨革職。見京報此等事一

年兩見，一則令人浩歎，仕路品流甚雜，有銀卽可捐職，倘使漫無覺察，不但有忝朝廷名器，而且百姓受其剝削，斯文眞掃地矣。一則令人快然，甄別嚴密，非種在所必勦，幸而洞悉回邪，不容下流託足於縉紳，而後儒生得伸其志氣，官箴其稍振乎。余賦七絕開列於左



奴才出仕不應該 只爲財多捐得來

一旦被人叅革去 貧窮依舊作奴才

辯天下無不是的父母之說非

諺云、背晦爺娘、此語似非孝子、所宜出、然揆情度理、實有其事、考之虞書云、父頑母嚚、與背晦爺娘之語相符合、按虞帝之大孝、尚不能掩飾其親之頑嚚、况等而下之庸流乎、若泥於天下無不是的父母之說、虞書何必云父頑母嚚乎、

民犬碰御馬累主人

本年三月間 皇上駕往南苑、經西華門外、有積房畜犬、突

出、碰 坐騎之骸、校尉等尋犬之踪跡、將店主鎖拏去、羈累

中西聞見錄

雜記

六月 九月

月始得釋放、先是 駕未到時、主人有一犬在門外、恐其亂吠滋事、開門喚之入、犬聞聲急馳、適遇他犬相爭、始構此禍、按此往往輕舉妄動、致遭不測、假令店主不啓扉喚犬、焉有此患、因悟鎮靜者之无咎也

藕與山藥問答寓言

王次辛

山藥問藕曰、爾居清流之內、碧蓋亭亭、花香子綠、甚爲人所珍重、余自視懷慚、身在泥沙之中、蔓延短架、徧身癩癩、充作藥材、人以苦口而憎嫌之、請問君何所長、遽克臻此、藕答云、余遍身關節、聲氣能通、所以子孫早霑雨露、又居水國、君豈不知近水樓臺先得月乎、山藥云、余一生鯁直、素位而行、既無關節、又無



聲氣無怪乎不爲人所豔羨也。藉曰曷效余爲。山藥云。余質直若性成。君雖集苑。我甘集枯。但不欲效君之技倆。而希旦暮之榮耳。

雜咏五首

王次辛

劣僕聽錢

近日東家事事精。欲相欺騙不能行。算來小事都無聽。若動工程喫一成。十中抽一。謂一成賬。

瓦匠蹭滑

一天四歇尙偷工。若不加錢怒氣沖。更有一宗堪痛恨。大工多半小工充。

中西聞見錄

雜記

七

九月

混開蒙館

近日人稍識數字。卽開館授徒。

兒童吵嚷讀書聲。句讀時常念不清。節敬脩金兼兩壽。能教子曰算先生。

甲戌年端陽

端陽節近雨初晴。五毒靈符貼徧城。清早朱扉猶未啟。櫻桃桑雞喚千聲。

中元節

風吹紙錠早秋涼。掃暮歸來沒夕陽。蒿火荷燈齊點起。兒童排列兩三行。



寓言

惠志道

昔布國某公昏夜易服出，去宮不遠，至通衢，以巨石置轍中，詰朝有農人名翰，司御牛車至，見石怒曰：「居民惰已甚，石塞道，詎不可轉耶？」語未畢，牛奮力行，車轂越石過，繼而一卒至，服號衣，冠頭盔，采色羽翎，迎風動，劍佩自雄，儻然間步，口吟陣歌，舉趾高，未審轍中物，忽躓，撫劍起，怒目四顧，侯作侯視，蓋謂置石於斯，觸傷踝骨，村民之惡劣已極也。復有商旅結隊行，馳駿馬負重貨，欲赴村會，近公田為石阻，覺路狹，於是前後隨行，遶而過中一人，名貝多，嘆曰：「周道有如此巨石，而過客往來莫之移，車行石上，冒傾覆之險，馬邁石旁，甘曲折之勞，越三禮拜，卽二十一日

中西聞見錄

寓言

六

九月

而石尚在焉。公乃徧諭其民，俾於某日聚道上，棘露凹去石不遠，環而待命。期至，眾紛集凹內，四圍無隙地，農人翰，司商人貝多亦往焉。翰司曰：「自今我主庶知民情矣。貝多曰：「實使人慚愧爾。俄頃號筒起，眾引領望，遙見羣騎馳驅，扈從甚盛，中一人服色極華麗，風馳而來。公既至，下馬立石旁，笑謂眾曰：「置是石於道中者我也。越三禮拜，經過者不知凡幾，曾未有不憚勤勞，將石移於轍外者。語畢，屈身努力，雙手攜石起，石露一小孔，內飾白色鵝卵，石孔中白色革囊露焉。公提囊與眾視，外面書曰：「舉石者償以此。因解囊中有黃金戒指極佳美，黃金鑄錢二十元，極鮮明，悉墜於石上，眾視之，無不自悔己之畏勞者。夫公之民



不爲已而移石，不勤也。不爲人而移石，不仁也。白囊藏於石孔，乃勤仁之賞，而不勤不仁者弗得之，嗚呼厚賞之施，隱寄道中，往往有之。彼徒貪所見之利，所不及見而失之者多矣。况作善降之百祥，在天之賞，至重且大，而人以其幽渺而不知求，豈不更可惜哉。

### 德民遷徙

歐羅巴諸國人民，渡海遷徙者，惟日耳曼阿爾蘭二國最多。查德國即日耳曼，去歲計有男女七十萬人，過海遷往美國。暨南亞美理加、阿非利加、澳大利亞等處居住。德民夙尙勤儉安分守禮，以是各國咸願其來，而德國執政聞之弗悅，擬欲設法禁止。蓋恐本國戶口減少故耳。然德民之遷居不過，因本國地狹人稠，食物騰貴，度日維艱，因之遠適他方爲糊口計，似亦無損於國也。

中西聞見錄

寓言

九

九月



各國近事

丁釐良

美國近事 金山新報

邇來中國印造新聞紙者漸眾，上海有二處所發售，一名申報，一名滙報，人爭購之。新近華人之寓美國金山者，又造新報，名曰舊金山唐人新聞紙。昨閱其六月初九日報內，除載貨物行情，暨輪船往來日期外，更有近事數條，茲畧錄其二。

一為中國前派陳太史蘭彬、容孝廉增祥查辦呂宋猪仔一事，據云：陳公業將查辦情形，於上月具詳待奏，所有澳門猪仔陋風，已經禁止，嗣後往者滿期，來者絕跡，並附容君詩八絕，蓋紀猪仔之苦况而作。有云：肉破皮穿日夜忙，並無餐飯到饑腸，剩將死後殘骸骨，還要燒灰鍊白糖。又有獨有古巴風氣異，家家私自設監房之句。

一為該處華商現在擬請設中國領事官，辦理一切業經陳公據情轉稟李中堂，將來能否舉行，尙未可定也。

丹國近事 君游冰洋

近北冰洋有島，曰愛斯蘭，譯即冰地也為丹國所屬，溯自開懇以來，

迄今已滿千載，該島人民，公行慶賀，丹君已發駕親臨，以示與民偕樂之意。查彼地風土人情，與他處頗異，天時苦寒，地脈磽瘠，不宜耕種，每歲收穫無多，惟恃捕魚牧畜以繼之，又產大鹿，人取為騎乘之用，不須芻豢，自尋短草莓苔為食，地雖嚴冷而

中西聞見錄

各國近事

三

九月



有火山、時吐烟焰、山下有湯泉數十流、伏無定、發則聲如雷霆、有似輪船出氣、蓋天生之火輪機也、人戶甚稀、統計不逾六萬人、而民風醇厚、賤貨貴德、頗尚學問、書院極多、幾同家絃戶誦、婦孺則於針黹工作之暇、里中耆老、爲之講說各國事跡文字、雖未入塾、而胸中早種學問之根、可謂善矣、至其地之時序、不識春秋、一歲中冬居九、夏居三、夏三月、日不隱、冬三月、日不曜、蓋近於北極而然、若北極之下、則半年爲晝、半年爲夜矣、地本荒裔、但崇儉尚學、純樸無僞、頗有上古之遺俗、故記之、

法國近事 二則

前法國將軍巴三、以眉茲城降於德、議罪監禁二十年、於海濱中西聞見錄 各國近事 三 九月 小島茲聞巴三在監脫逃、竄往西班牙、有人云、係由監中小窻而出、更以繩索繫身、墜落二十丈許、始踏平地、其妻先期備小舟待於河、比巴三登後、妻自搖櫓而逸者、又有人云、係監守之摠兵知情故縱者、今尙未得其確云、

法國前朝太子、偵知國民多有眷懷故主之意、乃將小照徧傳民間、欲使人見而思、思則或將有處之也、事聞於朝、嚴禁不許傳視小照、嗣是民間無敢傳者、既而又傳一頁紙、光白無點痕、而浸水再觀、則太子又現、且所傳更多於前、並聞俄君現延太子於朝、人以為不忘夙好之意、卽此二事以觀、太子苟有才能、將來其必爲法國患、



印度近事

濟荒巨款

印度孟加拉地方去歲大荒民不聊生幸該處官紳倡率商民捐資接濟災黎得以存活未盡轉乎溝壑自去歲至今春共計捐資不下三千二百萬元而今歲春夏之交雨澤霑足播種及時告登有望民生可以無虞矣

印度徵稅

現據英國新報云印度每年徵稅五千萬磅磅爲三兩其中有鴉片出口稅八百萬磅即中國之二千四百萬查此項稅銀皆賣自內地而得者而英國受其利中國受其害昨閱邸抄八月二十五日 上諭有栽種罌粟例禁甚嚴著各省督撫通飭所屬無

中西聞見錄

各國近事

三

九月

論已種未種一律嚴行申禁等語若更與英國會商令將印度罌粟全行禁種則鴉片之源內外斷絕其流將不節自止而於兩國之民生風俗日亦敦龐矣

南亞美利加近事

擬立賽會

現聞南亞美利加智利國擬於明年八月設立衛奇會預期通知各國將珍奇精巧之物寄送比賽查南亞美利加東岸有巴西國係葡萄牙人遷居開懇西岸有智利祕魯等國係西班牙人所闢本爲屬部於道光元年皆叛而自立復因西人遷居較少紅皮土人居多茅塞未開不甚興旺而各處天時和順土田肥沃宜於耕種庶物蕃滋近年貿易漸盛故智利有設會之舉



西班牙近事 各國認之

西班牙數年來大遭內變，屢更執政，各國以其政出無常，皆不認之。近聞德法英奧四國，皆已認之，其所以認之之故，一以現之伯理璽天德賽納諾，名與位稱，二則不欲前朝後裔噶羅得位也。噶羅之蹂躪邊境，覬覦神器久矣。近來猖獗尤甚，其用兵也，概不遵泰西戰法，勿論搶擄郡邑，焚燬民居，卽陣戰敗傷之兵，與夫降俘之眾，獲則殺之，人人惡其凶暴不仁。是以各國雖守局外之分，而隱然有善視賽君之意。然則由人心以驗天心，噶羅其終不可復矣。

比國近事

中西聞見錄

各國近事

三

九月

氣球飛車原屬險舉，往往乘之升空，氣球漲裂，人多墜死。因而又創造防墜機，形如巨傘，以繩繫之球旁，設遇不測，亟解其繩，傘則自張，可以徐徐而落，不致傷命。近聞比國有人造機畧同前法，既成，擇日邀請多人，齊集試驗。其人乘氣球上升，至五十餘丈，自解傘繩，不期氣球遽墜，傘竟未張，其人墮地死。觀者駭然，伊妻大慟暈絕，眾急救久之方甦，乃復泣曰：本意爲此，將博高名，獲厚利，而保全人命，豈料未能保人命而先喪己命也。傷哉！或曰：其所造之機法，非不善，惜乎升空未高，解繩太早，以致墮墜，倘較前升高數倍，乃解其繩，必當合用，然亦無有敢再試者。



瑞士近事

月前各國會議於比利時京都，酌改戰例，茲聞各國擬於瑞士會議弭兵息甲，永免戰殺，誠盛舉也。蓋折獄不如無訟，塞其流孰與清其源，然使民無訟難，使國無戰尤難。夫以細故微嫌，偶爾之釁端，原自無關緊要，而請隣邦平情公斷，其釋憾解紛，固自易易。若動關宗社國家之大計，得失強弱之危機，懷忠効義之士，將糜頂捐踵死而弗恤，以保我邦家，縱有友邦從間萬分排解，欲不渝不戰之盟得乎？以故伊古以來，聖帝明王，戢戈橐矢，歸馬放牛，恒有偃武修文之意，而卒無百年之明效，其亦以文事武備，有隱相維繫而不可偏重者乎？

中西聞見錄

各國近事

西

九月

粵東近事 颶風大災

近日粵東香港澳門等處，突遭颶風之患，損傷人船極衆。據云自同治元年以來，無此大災也。本年八月十二日下午，彼處天氣燥熱異常，濃雲疊起，風條吹條，止人見風雨表中水銀忽落，知有大風，迨傍晚狂飈驟作，屋瓦亂飛，入夜愈甚，屋頂多被揭去，高垣壞，大木斯拔，壓斃人民，維時沿街男女號哭奔走，與受傷者哀痛之聲，有若潮湧。天明始定，海水泛溢，船隻有被浪覆沉沒，及吹至岸上，互相撞碎者尤衆。香港之遭患海上爲甚，澳門則陸地居多，澳門向稱繁庶，市井房屋高峻華美，被風傾塌十不存一，儼經兵燹，可憫哉。計船隻遭患者，香港則有呂宋輪



船二隻，其一載華人九十名，英國夾板船三隻，德國夾板船三隻，美國船二隻，悉覆碎無遺，其被風刮上岸而損者，則有英國夾板船三隻，輪船二隻，美國大輪船一隻，桅折受傷者，英船三隻，美國二隻，更有祕魯船、德國船各一隻，不知去向。中國萬隆輪船被損，飛龍輪船行抵金星門地方，被浪擊沉海底。澳門有中國大小商船六百餘隻停泊，風後僅存十四隻，餘或飄至外洋，或遭覆碎，無從尋覓。澳門礮臺為風浪摧毀，臺兵悉淹斃，巨礮為水冲轉數十步，其水力之大可想而知。統計此次所傷船貨，約值數百萬金，傷亡人數尙未查明，而他口之同時遭患者，尙不在此數內，誠罕見之巨災矣。

中西聞見錄

各國近事

三

九月

天津近事

前有廣隆洋行英商海先生所著探尋煤鐵記，並中西煤鐵論，均見前錄。茲聞直隸總督李中堂欲於磁州一帶開採煤鐵，特命海公往英國購辦機器，代覓工匠。海公十餘年來，每屆封河後，洋行公務稍暇，輒自備資斧，前往各地踏勘煤苗成色。曾於齋堂窰口取煤，以驟駝試運至通州，更由水路轉達天津，以濟輪船之用。嗣以陸路二三百里，需費孔鉅，中止。今春復往磁州探尋煤山，因見該地出鐵甚富，且與煤窰相近，雖距津寫，遠而路運載較之齋堂甚便，以情稟知中堂。中堂因欲就地設機鑄生鐵，冶熟鐵，並壓鐵成片，引鐵成絲，以備製造之用，故有是舉。惟念海公跋涉山川，不憚十數年之辛苦，至今始有成效，尙不知於己身獲益與否，而於中國造機器行輪船實裨益無窮也。